



KBC THUSO

Kum 54 Ihina

Ollha/December 2017

So 464

SPECIAL ISSUE



*Kipak a
kilemtokhom nu*

Jan 2018: Events

SUNDAY SCHOOL EXAM - 10
DEPARTMENT ASSEMBLIES - 9-14
CHRISTMAS DAY - 25

"Kapa theng, eini pumkhat in bang a amaho jong
pumkhat ahitheina ding un, Wangman amahohi hong in"

WWW.KBC.ORG.IN

John. 17:11



Kipana
Christmas
KUMTHAH 2018 LEMNA
Chibai



Head office
Kipna DM College
Imphal



www.kbc.org.in



kbcindia@rediffmail.com
mail@kbc.org.in



MEN DEPARTMENT Kum 25 lhinna SILVER JUBILEE...
14th September 2017 nin loupitah in ana kimang in ahi.

CONTENTS

THUMAKAI HO

1. Editorial/Chamna Leng Chapa	1
2. Christmas iti mandia nakigot em?/Rev. Henjalen	5
3. Mithah chu kivon un/Rev. Paojangam Haokip	8
4. Alenggam in kichaitih /Rev. Silas Jangminlen Haokip	11
5. Muthim lha a vahle miten/Rev. (Dr.) Paolen Haokip	13
6. Mission Column	16
7. Men Column	21
5. Women Column	22
6. Youth Column	23
7. Literature Column	24
7. Christian Education Column	26
9. Report/Hetsah	28-31

EDITORIAL BOARD

<i>Chairman</i>	: Rev. Dr. Hawngam Haokip, President KBC
<i>Editor</i>	: Rev. Ngamjapao Haokip, General Secretary
<i>Joint Editor</i>	: Rev. Henjalen Dounge
<i>Contributing Editors</i>	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
<i>Cir. Manager</i>	: Ms. Lhingjanem Haokip
<i>Design & Layout</i>	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



CHAMNA LENG CHAPA

Editorial

Text: Isaiah 9:6

Thumakai

Houbung mite jouse Jesu Christa minin ngailut na Christmas chibai kahin pei. Pathen in eipui hoi jing uto kilhonin kum jong ihung lhung taovin ima sang uva kipana Christmas nikho loupitah galdot theijin ium taovin Pathen chuthangvah in um taken! General Secretary kahung hi na a Christmas greeting kahin peh najong achai na kumahung lhin to lhonin mun tin'a houbung mite jouse tukum Christmas hi kipana le Chamna a man ahithe nading hi Pathen henga katao na thupi pen ahi. Tukum Christmas hi houbung miten ipi lampia mang dinga kigot na inei tah uvem?

Chamna Leng Chapa pen nikho hi Chamna a hinkho man'a liem cheh dingin kigot na nei cheh ute. (Isa. 9:6). Jesu Christa kineo sah a mihem'a ahung pen hi Pathen to chamna hinkho inei thei nading a uva ahin'a ahung peh ahi tihi suhmil lou hel ding ahi. Jesu

Christa hungpen hin chamna tahbeh chu ahin poh hinam themkhat veo hite. Jesu Christa hung pen chun koi chamna malah in Herod lengpan tol atthat nin naosen chapang kho helou mi tampin ahin'a ana chan lo uvin ahi. Herod hinkho man vang ivet le chamna hinkho mantah sangin lunggim hesoh nan hinkho ana mang jon ahi. Ahinla vantil hochun kelngoi ching ho jah achun nang ho le mijouse dinga hachang pa kipana kahin poh peh ahi ana tin ahi. Hoitah inungvet na kholgil na inei le chamna leng chapa hung pen ding hi mihem chonsetna alhah jou apatna Pathen in huhhing nading natoh ahin gon pan ahi dan muchet ahi. Huhhingna thilgon natoh hi Bethlehem'a Jesu ahung pen'a hung moh umjeng ahipon Pathen thilgon guilhun thei na ding chun kum sot tahle phat sot tah pi hi ana lutnin ahi. Ipi dinga Jesu Christa hung pen chu Isaiah themgao chun ahungpeng ding naosen chu chamna leng chapa ahi ana ti ahidem? Genesis bung 3 na mihem chonset na alhah chu asthah beh a geldoh kit angaijin ahi. Mihem chonset na alhah chun Pathen to kiloi khom thei talou le kicham thei talouva hin kho ina man u muchen ahin hijong le Jesu Christa hungpen hin Pathen to kicham kit na natoh ahin gondoh ashi jeh a amin hi chamna leng chapa kiti ahi. Jesu Christa chun chamna hin po jeng tajong le chamna hinkho man thei nading hin thilkhat poimo tah aum in ahi. Jesu chamna leng chapa ahiman'a eihon chamna imoh neithej jeng u thil ashipon ahi. Hiche chamna neithej ding ho chu koi ho ham iti le chonset lhatdoh nadia

*ama thiding khel'a thidia hung peng ahi
tia kisan na nei miho bou chun Pathen to
chamna hinkho chu aman thei diu ahi.*

*Mi tamtah in Christmas kimang hi
Pathen to chamna hinkho a manga kilhom
nalai maithei ahin ahi. Christmas chu mi
kimkhat nadia jule sa khamna thei bolna
mang jong um mai thei ahi. Tunia eiho
dia athupi pen chu "Pathen to chamna"
Christmas hi iman u hinam? Pathen to
kichamna Jesu Christa hung pen hi liem
louva ihi khah leo Christmas chu eiho dia
aphat chom na umlou ahi. Chamna hinpo
jeng tajongle atahsan lou hole alung thim
kot hong lou mite dinga vang chamna
umdeh pon tin amin'a Christmas mang ihi
khah diu hi tijat aume.*

*Houbung miten hoitah in gel u
hitin tukum kipana Christmas hi lungthim
giltah a gelpum'a Jesu hungpen liemna
neicheh dingin kigotna neicheh ute. Pa-
then le mihem kicham kitna natoh subul-
hit nale lolhin sah achu Jesu Christa ahin
nangin jong kipah tah naosen hungpeng
chu keichonset lhatdoh dia Pathen chun
kineosah na hinkho ahin man'a mihem'a
hungpeng ahi tia kisan'a nei miho chun
Pathen to kichamna hinkho aman ahin
hitobang miho dinga chu kipana Christ-
mas tahbeh hiding ahi. Amavang kum ijat
Christmas kimang jeng tajong le Pathen
to chamna hinkho mangthei lou ho dingin
Christmas kum ijat kimang jongle kip-
ana hideh louding ahi. Chuti ahijeh chun
houbung mite jousen tukum Christmas
hi Pathen to kichamnan mang uhitin ihin
khou jong chamna le kipana in mang tao*

hite. Chonset lhat doh nadia Jesu Christa hi avel'a hungpeng kit lou ding ahi tai tu idam pet uhin Pathen to kicham u hitin kipana Christmas tahbeh mang cheh a ium thei nadiu vin Pathenin houbung mite jouse phatthei eiboh tao hen!

65th GENERAL ASSEMBLY KOUNA

Amun: KBC Centre Church Kangpokpi, KBC No.5.

Lhunkimni: 25th January 2017.

Nipini: 26th – 28th January 2017.

Kikhenni: 29th January 2017.

Pakaija ngailut umtah, KBC General Assembly member ho jouse, min ngei chungnung I-Pakaiju Jesu Christa min'a kangailutna kumthah chibai kahin peuve. 2018 Calendar of Events, dungjuija chunga kipe munle nikho sunga hi 65th General Assembly umding ahin. Hijehchun, member ho jouse thonlouva hungpang cheh dingin kouna kahin neije. Assembly Member dingho chu:

1. President, Vice-President, Assembly Secretaries, Auditors, Committee le Board hoa member jouse.
2. Ex.President ho, Pensioners, Deputations, Auditors.
3. Convention Pay Workers (Missionary le Evangelist hojong) ho jouse.
4. Convention Elected Member ho jouse.
5. Gambih a Chairman, Secretary le Department Chairman leh Secretary ho.
6. Houbung (local le centre church) thalheng khatcheh (Baptized member 100-200 chan ahileh mi 2 hiding, 200 chunglam ahileh mi 3 hiding ahi).
7. Men, Women, Youth W/Committee member jouse (Convention le Gambih).
8. Member at large (mi 2).

Notes:

1. Assembly hi Kangpokpi Centre Church munna umding ahi.
2. Assembly adinga thil angaicha jouse eiman kipoh cheh ding..
3. Pension cheding jong aum e.

(Rev.Ngamjapao Haokip)

General Secretary

Kuki Baptist Convention (I).

CHRISTMAS

ITI MANG DIA NAKIGOT EM?

Rev. Henjalen Doungel
Mission Secretary, KBC

SERMON

Christian hihen hihih jongleh leisetchung mi atamjon Christmas amang tan ahi. Ahinlah Mihemte Chrstmas man danvang akibangpoi. Hiche kibahlouna hi nikhomasa, phatmasalaia pat hung umpeh anahitai. Christmas masa manna dinga leilevana thilsohho ana-veohitin chule tunia eihon ipi iti imandiu ham ti kigot nan anamangu hite.

1. Herod the Great: (Matt.2:16)
Amahi Antipater chapa anina ahin 74 BC in anapeng in 4 BC in anathie. Amahi 47 BC kumin Galilee gam Governor in ahung pangin Galilee gama gucha michomho anasumitin ahileh Rome government tahsan na ahungchangtan 40 B c kumin Judate leng in anatang un ahi. Achateni Alex le Arisbulas chule aji Mariamme ginmo

jehin anathat in ahi. Amahi politics saithemtah ahin khoutaha vaihomnom khat ahi. Christa penlom dinga Solam gamakon miching thum hung hochun lungthim kichatna le lungmonmona anapei.

Miching thumhon Judate lengdinga pengpa penmun ahungdoh uchun ama lengchan hinkheldin anagelin, anakichan hiche chapang chu thadoh nadingchun Bethlehem le akimvel-

la chapang naosen pasal kum 2 alhah noilam se anathat in ahi. (Matt 2:16)

2. Miching thumho: (Matt.2:11)

Christa pena solam gamakon hung veho chu michingthum ahimonguve ti hi bible avang akimu poi, ahin naosen Jesu amuva kipathil peha thilthum Sana, Bego chule Myrrh apeh uvakon mithum hidan a kila ahi. Thusim a kimudan in miching thumho chu Casper, Melchoir chule Balthazar ahivu. Casper hi Tursus lengpa ahin aman Jesu chu Lenglen ahi vetsahnan Sana anapei. Melchoir hi Arabia gammi ahin aman Jesu chu Thempuchugnung ahi vetsahnan halnamtui Bego anapei chule Balthazar chu Ethiopia gammi ahin aman Jesu amite huhhingdia hung thiding ahi ti vetsahnan thilong kijulna Thaonamtui Myrrh anapen ahi. Chuti chun miching/leng thum hochun Jesupen chu ahaonao le achihnao mangchan khonunga ahung hinading photchen nan aneilahuva gouthilpeh man tampen pehnan anamangun ahi.

3. Pakai Vantilte. (Lk 2:13-14)

Jesu Christa pending hung kiseipat hi semtila Adam le Eve chonseta alhah nihona Pathen thutana awcheng anahitai. (Gen.2:15) Apat le nikho alhinphat in Bethlehem a ahung pengtan ahileh leiset mihem

koimacha Jesu lemdin ana kigotapoi. Hinlah vana Vantilten chunglangei sahnan aneiun Christa pen analem un ahi.

4. Kelngoi Chingho: (Lk 2:15-16)

Isrealte thusim ivetleh kelngoichin hi natoh thupipen khat in Anahi e, ahinlah Jesu Christa penphat laihi Kelngoi chin hi minemnungho natoh a kigel khang anahitai. Jesu hung penchun hichemi noinungho hi alemmasapenin agapanguve, ajeh chu amaho hi Pakai vantil in ahetsah masat penu ahi. Amaho hi Jerusalem Houinn sunga kilhainaa kithat ji kelngoi ho chinga pang hidin hetgilna neihon atahsan uve. Hitabang a chonset thoidamna kelngoichinga pang ahijalluva Vantilin Jesu pen lomdinga anakouva ahetsah masat ahi. Amahon kingailutna sangpen vetsahna kivilto nan Christmas anamang un ahi.

5. Bethlehem Ahsi. (Matt.2:9)

Hiche Ahsi khat in miching thumho solam gama pata Bethlehem bongin Jesu umna mun changeija ahinpui thilsoh bible a kisei hi kidangtah ahi. Scholar tamtah Mattew lungsuh to mai-mai ahi tia tahsanloi jong aum uve. Ajeh chu hiche ahsi chungchanghi gospel dang hon asun pouve atiuvin ahi, chule Gospel masapen Mark in jong ima cha hiche chungchanghi anaminphah poi atiuve. Hichehi

Numbers a kisei "Jacob akon Ahsi khat hung dondoh intin..." tia gaothu kisei paocheng kimang khu kila a kistemthu thucheng ahi atiuve. Hijongleh Astronomer Attorney Frederick Larsonin vang hiche Ahsi chun Jesupen, leng ahina, judate tokisai Ahsi, solamgama kona hung, Herod in ana hetphah lou, Jesu penphatchetna hung soh, ahsi lekha themho toh kilhon na Bethlehem khochunga dingden ahsi ahidanle Pathen chapa pena hilla pang ahsi ahidan photchetna apen ahi.

6. Joseph & Mary: (Matt. 1:24-25, Luke 1:38)

Mary hi pasal to kitimat khalou nungah thengsel Jineidia Joseph to kikhaokhi sa ahi. Jesu pennading a Pathen in ahinhen a Pakai vantilin nasunga kon pengding naosen chu Pathen chapa Emmanuel kitiding ahi atichun ama analungkham lhehe. Hinlah kichehtaha Pathen tohgong ahi ti ahin hatchet phat in "naseibang chun lhungtahaen" tin ajihol Joseph chanding, jachat nalenpen to ding chule numei kitahlouho kibolgimna thina changei tohdin kigel lhah na aneitai. Hitichun Naosen lengpenna ding chun atahsa thengtah in akoi jin ajihol Joseph to akichen johonin jong kitimat louvin atahsa avengjigin Pathen chapa penna nun anapangin ahi.

Joseph Nazareth khoakon pasal

kitahtah ahi. Ajihol Mary in nao avop tai ti ahethdoh phat in guhthim cha kikhenpi din kigel lhahna ananeije. Ajehchu amahi mitheng ahin ajidingjong thengtah ahidingdei mi ahi. Pakai Vantil a kon Mary naovop ahi ti ahin heta chule asunga pengdoh ding chu Pathen chapa hiding ahi ahin hetthem phat in Mary jidinga kipui ding lung opkaina neitalou vin akipuilut-tai. Pathen thupeh dungjuijin naosen pen masang in lupkhom pi louhellin aumin naosen hung pen jou vin bou tahsaji in ananeijin chanu le chapa anahing in ahi. Ama Christmas adding kigotnachu alungila ana hetthem masah jehin numei naovopsa khat kichen pia Leiset mihemte chonset nakon huhhing ding Jesu pa a panding chu akigotna ana hi.

Tunia eiho Christmas iti mangdia ikigot uvem? Insung mi kimutona maimai, mipi japi anneh khomna maimai, lenkhom bolla lamna maimai, kipa golnop mai mai khat a mang dia ikigot uvem? ahilouleh party bolla jukhama hinkho thengloutah a mangdia ikigot uvem? Chuti ponte, eihovang ahung peng Jesu Christa to kimu to na, avahchaoila sa a amatoh kigolchatna sema, ahung kit kaha ngahjing dinga kigotna phat a mangchek din ikite muve.

CHRISTMAS CHIBAI.

MITHAH CHUN KIVON UN

Eph. 4:24.

Rev. Paojangam Haokip
KBC No.1. Imphal Area.

Sermon

Thumakai:

Amasan muntin le gamtinna um Houbung mitheng te le hiche article ana sim jouse kangailutnau Kumthah Chibai hoipen kahin peuve. Kumthah ilut dio to kilhon in, chungga kipe Thupi: "Mithah chun Kivon un" ti hi chomcha iki houlim diovin kadeiyin ahi.

Tulai leiset chung mihem hinkho umchan hi ivetna ahileh, chihna hin van akhokhelma bangin mihem in jong achonna ding; akivonna ding, akisinsah ding dan chule kija tona le kingailutna achungvum lepma akhokhel soh dan in akilang tan ahi. Umchan khanchan'a koinin koi chu Christa nungjui dihtah ham ti hetchen ahah sa lleh tan ahi. Houlam kaihon Lhagao mangthai dingho boipi sangin tahsan chate ho joh iboipi tauvin, ahin tahsanna hinkho vang neokhat beh jong kalson bena aumpoi kiti leh seival hiponte.

Houbung masa khanga, Solchah Paullin Ephesia Houbung mite, Pathen helou ho toh achonnau ichom behseh ahilou amuphat nin phona leh tilkhouna lekha ana thot in ahi. Eph. 4:17-5:2 sung ivet tengleh tahsan chate ho hinkho luija hingjing jeng ding hilouvin, Christa-a Lhagao lungthim'a kithah sem joh ding ahidan akimui. Mitheng Paulin milui le mithah chule vonlui le vonthah thu-a kicheh tah-a kibah louna avetsah in ahi.

Paul tahsan dungjuijin tahsan chate hi Pathen lhentum, deichom chate ihuive. Pathen hephalou ten vang "Lungchavai" aput dungjuija achon'uve ti akimui (v.17). Amaho chu ahetna lungu thim'a ahi. Koi hileh Christa kicheh tah-a hinglou muthim'a vah le a chu alungu-jong tah a mo jong mo a ahi. Hijeh a chu thenlouna tincheng bolna dinga lop lam le papset lam'a kipe ahuiuve. Hiche tobang miho chun thilpha him him agel thei pouvin ahi. Paullin eiho Christa-a dihtah-

pengthah ho vang, chutobanga chon jing jeng ding in eihilpouvin ahi.

Ahin eiho ama-a kinem le athisanna sopthengsa ho vang Jesu Christa chu chihna kimu be theina ding mai maiya ihetnu hilouvin ilung gilluva ikisan lut'u ahitah jeh hin ama SEIJUI joh ihuvin ahi. Seijui chun a Pakaipa deisah dungjuija lunggel jong nei angaijin chule chonna-a jong pohdoh angaijin ahi. Haset cheh cheh hin, nitin hinkho-a chonphatna lam mano talouvin chonsetna le gitlouna lang joh-a apui mange ti akoh in ahi. Hichu chonsetna dimset 'milui' chu ahi. Hiche milui chu von kilehlha banga le lhah jeng ding ahi. Chuleh nungsun jeng ding ahi. Hiche von mama chu gah sop thenga kicon kit ding ti ahipoi. Hiche chu pum le lhah-a athah mong monga chonphatna le thutah dimsetna lhagao lungthim'a kithah semsa 'Von' joh chu kicon ding ahi. Leiset tahsa nopsahna jong pailha nom lou, chule Pathen cha jong hinom hiche to-bang hinkho chu Pathen santhei dol ahinai saipoi ti hi ihet diuva phatah ahi.

Kumthah hijatvei imang tauvin hinlah ilhagao lungthim'u ichom hideh lou. Ningkum sangin tukum khoh jep, lhasam jep. Pakai hung kit na ding nikho anaito kilhonin ilhagao hinkho jong Pathenna konin gamla cheh cheh jo dan in akimui. Imacha

mong monga ikithah semnau akilang doh jou tapon ahi. Ahin Pathenin eiho ichonset nauva thidinga i-umlai tah uvin achapa changkhat seh, Jesu Christa chu eiho khela thidingin eihin sol-peh taovin, ama thisanna kisop theng "Von thengsel" chu eivon peh tauvin ahi. Hiche chun Eden honna chonsetna aheth masanga, chonphatna, kingailutna, kit-hungai nale Pathen amatah toh kiloikhomna lima eisem doh-u ahi tai. Hiche "Mithah" chu thutah, chonphat le thenna-a chon mihem chu ahi. Hiche chu CHRISTIAN dihtah ahi. Hiche mithah hina chu "engine repairing" hilouvin Engine replacement" joh ahi, aphilou chu lah doh-a aphatah khat kikoilut tina ahi.

Hijeh chun Sopiteho, Kumthah 2018 ahunglung ding kinepna nasatah ineinau toh kilhonin Pathen deilouva "milui" hinkho inaman ho ipum pailah uva "MITHAH" a kicon ding in taona toh thon kigou hite.

I-HINKHOVA KHELDOH (REPLACE) DINGHO:

1. *Jou Pumpailhah-a Thutah jenga kihou ding:*

]Jou kiti hin tahsan chate lah-a mun aneipoi. Anania le Sapphira te nupan jou aseihon jeh-a ahinna achan lo lhon ahi (Act. 5:1-11). Jou kiti hin thilpha apolut poi. Insung, khosung, Houbung sunga jouthu-a vaihopna a um tengleh boina asoh jin ahi.

2. **Lunghan khela kipa na joh kivon ding:**

Lunghan hin thilse jeng aboldoh in akitim them loupan toltha dingle phulah ding jong khoh asapoi. Insung, kholai, natohna mun ho-a jong lunghan hin mel-ma joh alamdoh jin ahi. Lunghan khela kipana joh kivon ding.

3. **Guchat -**

Tahsan chate bol ding hilou beh Guchat hin jum le mai-mohna jeng alamdoh in, chule tahsanna hinkho nasatah in asukha'e.

4. **Kam'a kon'a thuse soh -**

Kama kon'a thuse kondoh hin milung asukha in, khat le khat kikh-a kitomona apolutjin, gal jong asodoh sah jin ahi. Hiche sang chun Christian ten vang khat le khat kisah doh to chehna dinga thupha seijoh ihidiu dol ahi (Eph.2:21; 4:12,16) Haman inneipi Zeresh banga thupha lou mop thanopna ho dalhan.

5. **Lhagao theng lungphatmo sahlou ding -**

Christa kicheh tah a itahsan niuva patna lhatdoh nikho-a dinga lhagao thenga mohor eikinam ahitai. Hinla eiho lhatdam changsa chengse jong i-nitin hinkhouva umchan, kisinsah, lunggel phalou, kimanchahna dihlouva ikimanchah tengleh lhagao theng chu alung isuna jitaovin ahi. Hiche chu hilouvin Pathen lungdei lam holla aloupi-

na choi-atna umtheina dinga hinkho manding ngaito ding.

6. **Lungdam louna (bitterness) dalhah-a hepina joh-a kivon ding -**

Lungdam lou hinkho mangho hi mivangse tah ahivu. Aristotle hin hiche tobang miho chu "kihou champimohel" tin aminvo in ahi. Amaho hinkho-a hin "kipana" kiti hin mun aneijou poi. Ahin Christian hinkhoa vang ngailutna, khotona, kingaidamna, chule kithokhom na joh nei angaijin ahi (Col. 3:13).

Thukhumkhana:

Hijeh-a chu Pathen chate a kimsim eiho inop ininguva eiho deija hinkho mangding ihinai saipouve. Pathen chu Pa-a ineiju ahitah a ahileh ama umchan joh ijom dingun mitheng Paul in eikouvui (Eph. 5:1). Pathen ahina (Characteristics) jouse tichu, thutah, ngailut, ngaidam them, thenna hepina, chule thilpha bolna hoa dim ahijeh in eiho jong, 'milui' ihina Pathen lung-hai louna hinkho dalhau hitin Kumthah ahunglhun toh kilhon in i-lhagao lungthim un kithah sem uhitin "mithah" chun kivon tao hite.

Asim jouse Pathenin phatthei boh taken, Amen.

A LENGAM IN KICHAITH NEILOU DING

Luke 1:33

Rev. Silas Jangminlen Haokip

Sermon

Vannoiya hin kichaitih neilou ding imacha aumpon ahi. Mel hoina hihen, damtheina hihen, haosatna hijong leh nikhat teng beisoh ding ahi. 2014 kum in Samsung smartphone khat kana kichoh in, hiche phatlai ding chun ahoiloipen anahin, ahin tunikhon hiche phone chu chapang neocha kachaten kichepna dingin jong adei tapon, kenjong kachoi tapon ahi. tunia nachenna inn jong chu nikhat teng se ding, na car hihen, na gangcha hojong nikhat teng beisoh ding ahi.

Ahin, Bible ahin akem theilou, asetheilou, amang theilou ding chuleh kichaitih neilou ding khat eikipeuvin ahi. Miriam henga hung kilah vantil chun ajah a aseijin, "Chapa khat nanei ding, Ama chu hung len ding, apu David laltouna a touding, tonsot geiya a lengam in kichaitih aneilingding ahi." Hiche lengam chu Christa vaihomna noiya um Pathen Lengam (God's Kingdom) chu ahi.

Hiche lengam chu AKISELGUH (hidden) LENGAM ahi.

Jesu leiya alen laiyn aleng hina umje dol adamlou ho adam-sahna, athi akaithou hoa chun mutheijin umjeng jongle leng loupahina ana selguh in ahi. Koiham nungah theng Miriam oisunga chun tonsotna leng changa leng ho leng ding uminte tia gingcha ding? Koiham vantil ho jouse pipu pa le vanlal chapa chu gang ankong (feeding trough) a hungpeng inte tia gel ding? Kum chomkhat jouvin, aloupi na jouse selmang

in mihemte chonset na jeh in cross chungka khaisang in ana um in ahi.

Tunin jong Pathen in a loupina aselguh jing nalaijin ahi. Eihon idei uchu leiset ahin Pathen in thil loupahina le kidang dang hin bol henlang mijousen kidang asah mama ding, miho koma 'vetau, hiche khu keiho Pathen thilbol ahi' kitileh hichu idei uvin, ahin hichu Pathen hina ahapon ahi. Ahin, Aman Ama imu nadiu munkhat eikopih jing uvin hichu Kipana Thupha (Gospel) hi ahi. Michonpha hihen michonse hi-

jong leh hichelai muna hi Pathen loupina amuthei ding ahi hichu Christa lengam chu ahi.

Hiche lengam chu CHAMNA (PEACE) LENGAM ahi.

Leiset a vaihom leng le lal hon atop thupipen uchu chamna umсах ding hi ahi. Barack Obama in Americate President ahi sungin chamna umсах ding nasatah in ana ngaiton, Afgahnistan gal suhbei ding, Iraq a gal suhbei ding, Muslim gamhon adeiloupen u mun Guantanamo Bay songkul suhmang ding tiho nasatah in ana boipi in, Muslim gamho lunghol na in agam uva avel vel in ana kholjin in ahin, ajonan chamna aum dehton ahi. David le Solomon lengvaipoh laiyin Israel gamsunga chamna ana um jongleh athijou lhon in Israel gamsunga boina le kitomona ana umkit tan ahi. Leiset kivaipona lama chamna aumjin abeipai kit jitan ahi. Sumkol veina lama chamna le ning lhinna aumjin ahin abeikit jital. Damtheina lama chamna aumjin, amang pai kit jin ahi.

Ahin, Christa lengam chamna hi lengam dang hoa toh akibangpon ahi. Hichu kivaipohna chamna ahipon, nei le gou chuleh sumkolveina lama chamna jong

ahipon ahi. Hiche chamna chu Pathen le nangma kikah a chamna chu ahi. Na chonsetna jeha Pathen anga nakichat tahlou ding, tonsot thina muna kona tonsot hinna lengam chu nalut ahitai. Hichu ahi vantil in Miriam koma kichaitih neilou ding lengam ase chu.

Kichaitih neilou lengam MI HINA (MEMBERSHIP) ITI IMUTHEI DIU HAM?

Hiche lengam mi hina iti imuthei diuham? Kichoh thei jong ahipon, agamsunga ipen (born) jeh jong ahipon, lodoh thei jong ahidhton ahi. Mipha ihi jeha jong chonphat man a santhei jong ahikit pon ahi. Ahin, gamsung mihina ichan theina diu chu ahileh, mipha hijong lehen chonse kahi ti itahsan uva, gan ankong a peng pachu Pathen ahi ti itahsan u ngai ahi. Christa chu kineo sahtah hijongleh Aman i chonset nau jouse eilah mangpih uva themchanna eipeh u ahi ti itahsan u angaijin ahi. Aloupina jouse selguh a cross a kikhaisang pa loupina naho jouse Lhagaotheng Pathen a kona imudoh uva ihetdoh teng uleh hiche kichaitih neilouding Christian lengam mihina (membership) chu ichan u ahitai.

Muthim Lha-a Vahle Miten Khovah Loupi Amutauve

Isaiah 9:2

*Rev. (Dr.) Paolen Haokip
Academic Dean,
Sholom Theological Seminary*

Sermon

Thumakai

Isaiah in “muthim lah-a vahle miten khovah loupi amutauve” tia aseï ‘vah’ hi tuchung Christmas igaldot’u to lhona Jesu to akibahna chomcha seiding kanomin ahi. Kitepna Lui’a Messiah hung ding kisei le Kitepna Thah’a muthim salvah ding-a vah hung ding tia kisei hi akibahna aumin ania seikhomthei ahi. Vah hi John’in Jesu toh atekah-e, Chuin vah chun muthim lah’a ahinsal’in, ahin muthim in anahepoi (Jn. 1:5). Vah thudol’a seithei tampi aumin ahin vah na-toh le Jesu vannoi vah thudol themkhat anaveu hite.

1. Mitchoho dinga khomuna
Isaiah’in “Mitcho ho chu keiman ahethpah louvu lampia kapu-
iya, aheth khah louhelu lam-
lunga kapuile ding ahi; Ama-
sanguva muthim jeng jong kho-
vah kasosah a, Sephou lah jong
jangcham kahisah ding ahi. Thil
hicheng hi ahiye, keiman kabol
ding chu, Hiche ho hi kadalhah
louhel ding ahi” (Is. 42:16). Pakai
loupina chu vanoiyin amuding
tina ahi. Mitcho atihitahsa jeng
hilouva lhagao mitcho tina-a

jong seithei ahi. Isaiah themgao
thusei hi Jesun Nazareth khoa
Ama chungchang aphongdoh-
na ahi (Luke 4:18). Jesu hi Kip-
ana Thupha hil lhang ding, Soh
chang ho lhatdohna thu sam le
ding, mitcho ho khomusah din-
ga Pathenin ahinsol ahi (Luke
4:18). Hiche hi tahsan chate din-
ga kipana thupha chungnung-
pen ahitai.

2. Vah Chu Namtin khomuna
(Pathen kimuna)

Pakai lhachapa namtin vaipi khovah apang ding hi kicheh tah'in akimu in ahi. Ajeh chu aman aseiyin, Nangma kalhachah nahung pana Jacob phung jouse natungdoh a Israel lhentum nathahsem doh ding hi thil bailam chabou ahijye; mi kahuhhingna hi leiset kol kimvela alhunsohna dinga Namtin vaipi dinga nangma hi khovah a kapansah ding nahi, ati (Is. 49:6). Pakaisoh doi le tup chu Pathen thutep subbulhit ding ahi. Hiche thutep hi Israel te ding bou hilouvin mijouse ding ahi, ajeh chu Jesu hi vannoi huhhing dinga hung ahi. Aman "Gucha chu agu ding le atahat dinga chule asumang dinga bou hung ahi. Keima vang amahon hinna aneibe chehna dinguva hung kahi," ati (John 10:10). Jesu vannoiya ahung hi tahsan chaten hinna aneibe chehna dinguva hung ahi. Jesu vannoiya ahung hi tahsan chate ding hachangpa kipana ahi ajeh chu Ama jala eihon hinna lhingset inei dinga ahi.

3. Vah In Pakai Loupina Aphondoh Ahi

Isaiah 58:8 a kimu, "Chutileh navah chu jing khovah bangin hungvah lhan tin, chutengle nadamna chu twisam banga hung pudoh loi ding; Nadihna chu na-masanga lamkaiyin tin, Pakai loupina chu nangma nung lama hung pang ding ahi." Israel chaten Pakai henga taoji ahettengle Messiah akon huhh-

ingna aneiyu chu kipah dinga ahi. Ijeh inem itile amaho Pakai chu amasanguva achen Israel Pathen chu anung'u ajuiyin ahi. Kitepna thah lama hin vah hi jat nin hetttheyyin aume. Khatna – Jesu vannoi vah in akiseiye ajeh chu Jesun "keima vannoi vah kahi..." ati (John 8:12); Anina – Jesu vannoi vah ahi banga tahsan chate vannoiya vah ahivu. Ajeh chu Jesun, "Nangho vannoi vah nahivu" ati (Matthew 5:14). Vah chu Jesu Christa ahin, aloupina chu tahsan chaten aphondoh dinga ahi. Tukum Christmas iman sunguva Pakai loupina iphondoh diuvin ikitemuva.

4. Vah Chu Mihem Lah'a Hung Lhungta

Isaiah 60:1 in, "Thoudoh-in, salvah tan, ajeh chu nakhovah ahung lhungtai; Pakai loupina chu Nangma chungahung lhungtan ahi" tia asehi Pakai chu Jacob miten asuh khelna akon hung kilekit ho dinga zion Lhandampua hung pang ding ti aseina ahi (cf. Is. 59:60). Israel chate chonset kingaidam ahaitai, muthim um talouva vah chu achunguva hung lhungaitai. Hiche thu hi kum sang jouva tahsan chata hinkho manding dan avetsah ahi. Jesun mihem chonsetna angaidam ahin, hijongle ichonsetna iphon dinga ahi. Ajeh chu John in, "Eihon chonsetna iphon vangule ama

chu eiho chonsetna chengse ngaidam ding le chonphat louna jouse sil theng dinga tahsan umtah chule chonphatah ahi” ati (1John 1:9). Christmas hi golnopna mai mai hilouva chonset kish a ngaidam kithumna a jong man ding ahi. Ijeh inem itile amangsa chu holdoh a huhhing dinga mihem chapa hung ahi (Luke 19:10). Isaiah in “Mutheiya aumpet’in Pakai chu holing, Nailam aum pet’in ama chu kouvin” (Isaiah 55:6) ati banga jing nikho ipi ahiding koi-man akiseitheipon, tu muthei le nailama Christmas iman thei laiuyvin Jesu kisan loiyu hite.

5. Jesu Tonsot Vah ahi

Isaiah 60:19 in, “Sun tengle nisa jeng jong nanga dinga vah chom deh lou ding, Jan teng jongle lhavah chun asalvah chom lou ding ahi; Ama vang Pakai chu nang dinga tonsot khovah a panga Na-Pathen chun nangma loupina hi ding ahi.” Isaiah in khonunga thil umding dan aseina ahi. Ajeh chu khonung ding thu hitin akiseiye, “khopi chun asalvah dinga nisa jong ngaitalou ahi; ajeh chu Pathen loupi chun avahsah jen ahin, chule Kelgnoinou chu ameivah hijenga ahi” (Rev. 21:23). Jan umta louhel ding chule thaomei vah le nisa vah

ngaita louhel ding Pakai Pathenin asalvah ding ahi; chule tonsot geiya vai apoh dingu ahi (Rev. 22:5). Christmas akon Jesu tonsot vah ahidan muchet in aumin ahi. Jesu to tonsot’a chengkhom dinga ikigot jingu hinam?

Khumkhana

Bible in Jesu hi vannoi vah in aseiyin chule Aman muthim asalvah ding chule mitchote kho amusah dingin aseiyen. Jesu hung pen hi vannoi mihem te dinga vah hunga ahitai. Johnin, “Vannoiya hunga mitin hung salvah chu vah tahbeh ahi” (John 1:9) atibanga Jesu hi vah tahbeh ahin Ama vannoi muthim salvah dinga hung ahi. Muthim hi kipana thupha jakha nailou ho to tekah thei ahin, chule mitcho ho hi Pathen thu tahsan louho tobang ahivu. Muthim lah’a um ho dinga vah thu lhangsap ding chu tahsan chate mimal mopohna ahi. Tukum Christmas imman’u to lhona Pathenin ilungsunguva na atoh’a chule mitam tah-in khomuna aneiya, khovah noiya lam ajot theina diuvin taona a pang dingin ikitemuve.

KBC Thusoh simjouse nabon-un Phatthein Nahoh U Hen

Merry Christmas 2017

TEZU A ZAKAI MINISTRY KIBOLNA REPORT

(1) Mission & Evangelism Board, KBC Gambih No.1. tohgon Zakai Ministry noijah achesa November 2-4, 2017 sung chun Baptist Church, Tezu Arunachal Pradesh mun'ah "Go and make disciple to all Nation" (Mathew 28:19) ti Thupi mangcha'n DISCIPLESHIP SEMINAR lolhing tah in ana kibol in ahi. Seminar a chun Tezu District a Houbung chom chom 11 a kon numei pasal agomin mi 60 apangun ahi.

(2) Seminar Resource person mi 5 ahiuvin, amaho chu: Rev. R.D. Kachhap (Main Speaker), Mr. Tugaso Manyu, Mission Secretary, Arunachal Baptist Churches Council (ABCC), Mrs. Lishi Ruthiliang Tindya, Women Secretary, Mishmi Baptist Churches Council (MBCC), Mr. L. Mathiepee (ECM Missionary) chule Pastor Nabin Narjinary, Mission Supervisor, Arunachal Mission Field, KBC ahiuve.

(3) Pastor Nabin Narjinary (Mission Supervisor) ima jousea akinganse dungjuijin, ama lamkaina noiya Arunachal Mission Field (KBC, Manipur) le MBCC, Tezu Arunachal chule KBC Missionary/Evangelist ho Pu Seiminthang Kipgen (Warden: Tabitha Girls Hostel), Gl. Haolental Kipgen (Missionary), Pu Solim Manyu (Evangelist), Pu David Limboo (Evangelist) teho kithokhomna a hiche Seminar hi lolhingtah a ana kibol doh ahi.

(4) Seminar kibol velha ding le Mission natohna hetbe noman Gambih No.1 lamkaiho: Rev. Paojangam Haokip (Pastor), Pu T.Yamkhojang Kipgen (Chairman), Pu Ngamlal Doungel (Mission Secretary), chule Pu Lalsei Chongloi (KBC Driver) ana kichen, Seminar sung chun kaikhomna nivei ah Gambih Pastor in Pathen thu aseiyin, Pastor Nabin in pao alen ahi.

(5) Seminar Programme kichai nungin Pastor Nabin jaonan KBC Mission Area Shivajinagar Church, Bekhuliang B/Church, MBCC Office, Tabitha Girls Hostel le (L) Mrs. Nengneilam Haokip (w/o Pr.Nabin) kivuina MBCC Cemetery mun le Missionary ho vilna akineiyin, Bekhuliang le Tabitha Girls Hostel ah Houin kaina kaneiyun, Gambih Pastor in Pathen thu aseije.

(6) Arunachal KBC Mission Area hi mun 8 ahin, hiche ho chu Shivajinagar, Mekaliang, Rocklane, 32 Mile (Danglat), Hatiduda, Paya, 20th mile, Bekhuliang ahi. Church kitundohna munho chu Shivajinagar (8 houses, 15 Believers), Mekaliang (15 houses, 35 Believers), Danglat (4 houses, 10 Believers), 20th Mile (15 houses, 27 Believers), Bekhuliang (35 houses, 80 Believers).

(7) Arunachal KBC Mission Field a inatohnau nam mitehi Mishmi Tribe ahiuvin, Thingphung, songphung hou ahiuve. Agam'uva hi Christianity doudal RSS, Cultural and Literary Society of Mishmi, Donyi Polo kiti Organisation ho hin Christian Missionary ho douna a atohjingu chule Mishmi ho atilset jingu ahi. "Tua ka target'u hi Digharu le Mizu Mishmi tribe teni lah a Gospel lhunsah ding hi ahi. Hiche jat mite kom'a Gospel luttheina din pan lakhom'ute tihi Pastor Nabin, Mission Supervisor a kon'a taona le ngehna lentah chu ahi.

(8) Achainan, Tezu, Arunachal a chena dinga tilkhouna eineiyu KBC General Secretary, Gari (Bolero) eimansah'u KBC Mission Secretary chule Seminar bolna dinga sumle pai hinho, amunna um Missionary/Evangelist ho, hungkile langa Jorhat, Assam a sumle pai podoh a lhunna gena le nehle chah eigonpeh/eibolpeh uvah Ng. Dr. Lhing-khanthem Kipgen (d/o Pu.T.Yamkhojang Kipgen, Gambih Chairman) Sirhima a jing-an tuitah einehsah uvah Rev. Lalboi Chongloi teni nupa chule chungga kipana sangtrah kahin phongin ahi. Pathenin nathilpha bolnau chungah phatthei naboh jing tauhen.

Report by:


Ngamlal Doungel,

Mission & Evangelism Secretary, KBC No.1.

Reports:

ELIJAH TAONA MOUL SIGHT PLAN KIBOL

Achesa 9th November 2017 nichun Elijah Prayer Mount Sight plan boldin Architect Ng Christina Panmei anakipui jin ahi. Hiche KBC in ineisunu Taona Moul hi phatche dungjujia nikho khatle inn hung kisadim ding ahijeh in innkisa ho khonung a ahung boilou nad- inga sahnadingmun gontup masat angaijin ahi. Pathen in pha asah leh khovei 2018 lamteng Guest House khat Mission Board in sah



ding kiti jong ahijehin Architecture akivetsah in chule design ahin boldin jong ngansena akinei jin ahi. Chule mabana Prayer Cabin sanom hon plan number dungjujia asah thei dia kigon sah ahi.

Hiche Taona Moul hi nikho khat leh Retreat Centre khat hungghi dinga jong design kibol ding ahi. I taonao vin del jing u hite.

OMF NEW HORIZONS TO KIMUTONA:

Achesa 23rd November 2017 nichun Rev Dr Ginnei thang Ngaihte Senior Consultant OMF New Horizons leh ajinu Nu Ching Mission Board in toukhom pina anakinei jin South East Asia gama mission natoh khom ding dan seikhom na akinei jin ahi. Hiche Mission organisation hi Asia



gama dia alenloi ahin gam 18 lama Mission Organisation dang dangtoh natong khom ahi. Eiho KBC Mission jong gampama missionary soldoh khat ihitah jehun kihetto na neija pan lahkhom ding ham ti ngaito na anakinei khomin olla kihetmat kit din kiphat sah na akinei tai.

MBC RE-THINKING MISSION

Achesa 25th November 2017 nin MBC Peace Conference Hall a MBC Mission Secretaries toukhomna anakinei jin khonung MBC Mission dinmun ding seikhomna anakinei jin ahi.



Rev Alani Songsir MBC Mission Secretary in preside abol in MBA Pathen natoh dan machal nale dinmun jong giltah in seikhomna akinei jin ahi. Achesa Mission policy velvetna akineijin khovei lam tohgong ho vetchil na jong akinei khomin ahi.

Kipa umtah in THE GLOBAL LEADERSHIP SUMMIT a lamkai mopo Mr Sebastian jong ahung in hiche summit chung chang Power point project ahung bollin gamsung mission natoh na a phatahle hoitah ahijallin khovei 2018 February sungngei ja hiche Summit hi khatvei MBC Mission through a boldin kiphat sah na akinei tan ahi.

CHAKPI MOLBEM MISSION CENTRE

Achesa 23th November 2017 nin Chakpi Molbem Baptist Church KBC No 12 muna KBC Mission Board le Gambih no 12 Executive ho Mission Centre chungchanga kihoukhom na ana kinei jin ahi. KBC Mission Centre plot Mission Board in Register akibol chaito lhonin Haosapu chung a kipa thuseina Ankong sokhom pina akinei jin Saipikhup khat akisil peh e. Hiche munna hi Houinn neokhatle Missionary Quarter khat sah din pha akisan, Mission Quarter hi Gambih in ahinboipi a chule Houinn dinghi Convention Mission Board in aboipi ding 2018 November kaha chai cheh din kiphat sahna akinei tan ahi.

Gurkha Area MISSION REPORT CHOMCHA 8.11.17

Amasan Pathen loupina chang taken. KBC Mission Secretary chule Board member ho chung a jong kakipana le kajana kahin pei. October le November 2017 sung in Pathen in eiho taona asanjallin field chomchom a Report chomcha anoija hi ahi.

1)Chingmeirong Imphal Missionary pu Bijay umna mun a Dt,22 Oct,2017 Sunday nin Nupi khat le Gollhang khat Hindu akonin Jesu Christa akisan honin, chule Baptized jong achang hontai.

2)Sirou Gurkha Field,Pu Missionary Prem Thapa umna mun Insung khat Pathen ahoutan,Dt,25.10.2017 nin Baptize jong achang tan ahi. Amahi Hindu akon ahi.

3)Chassad Field.Pu Missionary Dil Bahadur umna sopi Meitei Innsung khat amahohi RC Background akon ahi.Dt,5.11,2017 nin Pathen ahoutaovin ahi.Mr.Sanachaoba in jong Pathen ahoutan amahi Hindu Background akon ahi.

(Rev,Jeeten Gazmer)
Supervisor, Gurkha Area KBC

1. Dt,12 Oct,2017 Thursday nikho hin Naharup Area ah Bible Tract hopna akineijin ahi.Chuleh Inn 270 akilut in,Tract 650 akihom doh in,akalsong mi 17 ahi.Mrs.Lanthyony amahin Pathen thu ah lunglutna aneijin taona jong akimanpih e.

2. Dt,14 Sept,2017 Thursday nikhon Harvest Team in Loitang Sandum mun ah Open Air Preaching akibol in mi 200 val ih Pathen thu le La lunglut tah in angai uvin ahi.

Rev,N.Ibomcha Singh, Supervisor Meitei Area KBC

KBC Houbung mite hetsah

Muntin le gamtina um ngailut umtah KBC Houbung mithengte jouse henga kahin hetsah nom chu ahileh, igamsunguva hin thuhil lhem (false teaching) vannoi thusoh ipi hija lhagao thu ipi ham ti gelpha louva, amaho hetna pa bou adihpen leh aphapen na gel'a Houbung sunga tahsan kicheh lou ho puimang ding go mi phabep aumin, amaho kom a na kichih thei diuva kahin tem nahiove.

Hiche thuhil ho ventupna dia, Seminar/Workshop ijat vei ham jong ana kibol ahitan, Hinlah Houbung sunga hin aging jingin ahi ti thu akijan, hitobang thuhil dih lou pom ho hi Houbung sunga lamkaija ilhen lou diuva pha ahi. Vetsahnan: Bio-Metric/Addhar card pomlou ho chun chuti phat leh Houbung ahin suhboi thei jui ahi. Ana kichih theijun tia hetsahna kahin nei nahiuve.

Men Column

KIPA THUPHON

37TH Men Department Annual Assembly 2017 a kithopi na hinpe ho chungngah kipa thu seijoulou akiphong ngin, amaho leh a in-sung mite cheh u Pathen in phatthei boh jing tao hen, amaho chu

1. Pu Lutginlal Zou Pangjang Baptist Church KBC No. 3 Voh cha tuh sagikhat ahin toh e.
2. Pu Hemkholen Haokip S. Saheibung Baptist Church KBC No. 7 leh aloiho Bongpi khat
3. Pi Hatneichong DOUNGEL C/C Salem Sapormeina Rs. 1000/-

Gambih lamkai, Houbung nga lamkai chule pate amimal cheh hapan na leh gutchu na jallin 36th Assembly Lonpi Khonou KBC No. 12 muna toh ding nga kiseiho toh molso in aum theijin Pathen in pate ho jouse phatthei boh jing tahenlang tu maban ajong tum-kum 2017 sanga 2018 sung a pan halah cheh ding in Pakai min in kahin tem uve.

Secretary, Men Department.

REV. D. DOUNGEL PENSION CHETA



Sopi Rev. D. DOUNGEL atahsa kum 60 alhin toh lhon in KBC a anatohna a kicholdo tadin Pension Board in 13 Nov. 2017 chun KBC office ah lhahna Kin anakineitai.

Rev. D. DOUNGEL in kum 36 lhingset Pathen Na atongin Pakai Lenggam a dia kipedoh le Natong khat ahito lhon in Pathen a konna "Sohpha" title changteiyinte.

KBC General Secretary Rev. N. Haokip in "Rev. D. DOUNGEL hi KBC worker ho lah a homtho umtah khat ahi" ati. KBC Assembly January, 2018 kah a tua aumna Centre Church, Molnoi ja tongjom din jong GS in aphongdoh kit e.

Pension Board Chairman Rev. N. Baite injong vailhahna thu aseijin Pension Board makainan KBC Chapel Hall mun ah kilom tah in lhahna kin akineipi tai.

Prescilla Partners meet at MBC Conference Hall Imphal

Dt. 21/11/2017



Aches nisim 21 - 22 December, 2017 sung hin Prescilla Partnership Conference chu MBC Conference Hall a anaumin, Centre mun 4 a konin akiche khomin, Sponsore Body hoa Prescilla Centre Guwahati a kon le CML Mumbai a konin hung Lamkai noija chenghi ahungun, 22nd nikho in jong Khangsim Training Centre mun a Meeting kaga neijun ahi.

.Presicilla Centre Team ho:

- 1) Kungreiliu - Director PC
- 2) Katthy - Accounttant PC
- 3) Christie - PSO - PC
- 4) Sudipta Sangma - Vocational Co-Ordinator phabep ahungun,

Acheho:Centre mun li ho :

- 1) Priscilla Home Lamkai College veng
- 2) Lydia Resource Centre, Hmar veng
- 3) Dorcus Training Centre, Khaibung
- 4) Sharon Training Centre, Senapati , hichenghi ahiuve.

BQ 2017 RESULT

Pathen panpi najallin tukum KBC Youth Department lamkaina noija Bible Quest ana kibol chu lolhingtah in ana kichaijin chutoh lhon chun pachanna neija kipaman sangdingho jong anoija hin tahlagna ahung kineiye. Amaho chenghin KBC Youth Assembly, Chavangphai, Moreh, Gambih 15 mun'a Nisim 7 December 2017 nikhoteng kipaman asandiu ahitai. Khoveija jong muntin a um houbung mite jong ina kigotkit uva pan ilah kit diuvin temna ikinei uve.

BIBLE QUEST 2017 SANGPEN HO

DINMUN	MIN	NU/PA	HOUBUG	EXAM CENTER	GAMBIH/GAMKAI	MARK
1st	LUNKHONGAM HAOLAI	(L) KAISAT HAOLAI	HAUJANG B/C	HAUJANG	CCPUR – KBC No.10	137/150
2nd	MANGKHOLEN	LALDONG	G. SONGLUNG B/C/C.S.	SAPORMEINA S.	SAPORMEINA – KBC 4	135/150
3rd	HOINEI THEM	VUMJATHANG	HAUJANG B/C	HAUJANG	CCPUR – KBC No.10	134/150

CONSOLATION PRIZE SANGDINGHO

DINMUN	MIN	NU/PA	HOUBUG	EXAM CENTER	GAMBIH/GAMKAI	MARK
1	JANGKHOGIN KHONGSAI	(L) NGAMTHANG KHONGSAI	KHANGBAROL B/C	KHANGBAROL	KHENGJOI – KBC No.13	127/150
2	JANGSEI GUTE	(L) NGAMPAO GUTE	CHINGDAI KHULLEN B/C	S. PHALENGKOT	ZALENBUNG – KBC No.2	125/150
3	TINNU KHONGSAI	(L) TOHKON KHONGSAI	KULBUNG B/C	KULBUNG	CCPUR – KBC No.9	123/150
4	M. CHINLHING HAOKIP	M. TONGLENKAP HAOKIP	GAMNOM B/C	C/C MOLNOI AREA	MOLNOI – KBC No.16	111/150
5	THANGLNEMANG KIPGEN	NGULKHOLAM KIPGEN	MOLPHEITAMPAK B/C	MOLPHEITAMPAK	CCPUR – KBC No.8	110/150
6	TINKHOLHING KHONGSAI	HOLLET KHONGSAI	KHANGBAROL B/C	KHANGBAROL	KHENGJOI – KBC No.13	110/150
7	LHAINELAM KIPGEN	(L) LETTHANG	PHAUJANG B/C	C/C SALEM SAPORMEINA	SAPORMEINA – KBC No.4	110/150
8	CHINNEILHING KIPGEN	JANGSAT KIPGEN	SONGIANG B/C	SONGIANG	TWILANG – KBC No.6	108/150
9	LAMKHONENG HAOKIP	(L) LETSEI HAOKIP	L. SALEM PHAI B/C	GANGPUANG	E. MULAM – KBC No.19	104/150
10	TINNEILHING	JAMLUN	S. GANGPUANG B/C	KULBUNG	CCPUR – KBC.9	103/150
	LAMNEICHONG	HENGUL HAOLAI	HAUJANG B/C	HAUJANG	CCPUR – KBC No.10	103/150

SUNDAU SCHOOL TEACHERS TRAINING - 2018

Houbung miho jouse Pakaiya ngailutna Christmas Chibai!
 Sunday School Teachers Training - 2018 chung changa hetsahna
 anoia bangin ahung kipe e.

Amun : Centre Church, Kangpokpi, KBC Gambih No. 5

Lhunkim ni : 16th January, 2017

Aphat sung : 17 -18th January, 2017

Kikhen ni : 19th January, 2017

Ahung Dinng ho

1. Beginners a pat pilhing class chan a jilkung jouse
2. Sunday School Superintendent jouse (Superintendent ho class jong umding ahi).

Sum Lut Ding

1. Registration Fee Rs. 100/- + Mess Fee Rs. 500/- agom a mi khat a Rs. 600/-
2. Chele valena gari bhara le nangma kimanchahna ding Pocket Money
3. Sunday School lekhabu ho le Sunday School lam to kisai lekhabu phachom ho chohna ding sum hung kigin gun.

Manbeiya Muding ho

1. Traininga hunglha jilkung ho ahil diu Sunday School lekhabu man beiya kipe ding, ahung lou hoa dinga kipeh tha louding ahi. Ahung louho chun akichoh tho diu ahitai.
2. File, note book le pen man beiya kihom ding ahi.
3. Detail programme hi amun a Registration phat le File ho to kihop tha ding ahi.

Kipoh Dingho

1. Phalbi dap lai ahin, janpon lum le von lum hinkipoh cheh un
2. Khol chena a namanchah dinga ngaicha cheng cheng (Mi kom/gam a nai ti bol louvinhin) hinkipoh teiyun.

Kangpokpi (Kang-gui) Jot Ding Dan

1. Bus Parking : Naga mapal ahiloule Khujathong. Naga mapal agaphah a hung kilea

Khujathonga kinga ding. Seat ong thet a namat nom le Naga mapal a nananga ding.

2. Bus Fair : Imphal to Kangpokpi mi khat a Rs. 50/-
 3. Bus Timing : Jinkah lang pung 6/7 a pat nilhah lang ageipen a pung 4

(Aphapen/akitup pen ding vang chu, ahoubung ahoubung ahil-oule agambih agambih a ahung ding ho kihoutoh theihen lang gari hin kingaito khomu henlang hileh)

Houbung lamkai ho le gambih lamkai hon ahithei chanin hiche phat to kikal/kitoh in houbung/gambih kikhopna kin/programme gondau hitin, houbung hon jong gelkhohna neitah in sum sel louhelin jilkung ho hinsol doh tei teiyute. jilkung ho jong gelkhohna neitah in hungpang cheh ute.

2018 Pilhiung Sunday School Simmun

2018 a pilhing Sunday School simmun ding hi THEMGAO HO (Survey of prophets) hiding ahin, Christmas le New Year a Prize hoa man dinga choth thei dinga Christmas kon le muthei hiding ahitai.

Pr. Haoneo Haokip
 Secretary, Literature & Publication



Pathen panpina jallin, achesa November Nisim 23-26 sunga chun Ngailut Pasal Camp KBC C/C Tujangvaichong mun'a ana kibol in ahi. Camp Speaker: Pastor Elvis Nehlal le Evan. Khaiminlal chule Camp Director: Gl. Letminlen lamkaina in, Camper Upa le Gollhang agom'a mi 64 jaona in lolhingtah in ana kibol in ahi.

Pastor Jangkothang Kipgen, Church Pastor.

Education Board Column

Kipathu seiná

Amasan muntin'a um Houbung mithengte leh lamkai jouse Edn Board in minlah a min ngeipen I-Pakaiju Jesu mintheng in kangailut nao Salam kahinpeuve.

Tukum tohgon ineiju Kanggui Christian College building Room 5 chu September 12 a kipat Nov.20 sungin abeam jaona'n Shatt akilheichaitheitan, Pathen thangvah in umhen. Hiche natohna a pang Mistry hon jong ngailutna neitah in imajouse kituptah in eibolpeh un, achunguvah kipathu akiseije. Hichen ihinphah



theinao tokhompi Pastor ho leh Houbung lamkaiten khohsahna lentah ahinneijuva, aphot hom'a Share apoh jat u ahinthah uva kon ahijeh in achunguvah seijoulou kipathu kahinphon-guve. Hinlah Mistry ho tohman Rs 2.6 lakhs vel hi ibat-nalajun, akipeh theng kah a hi akijoutai tithei behseh hiloulai ahijeh in Houbung 54 lah a ahinpeloulai ho noiija list hungkipe Houbung ho chenghin akintheilam a ihin peh cheh diuvin Pakai min in kahintem uve. Itiham khat a nanapehsau ahitah jong leh kipa umchek intin, isuhtoh u ngaiding ahi.

Sl no. HOUBUNG MIN

1. C/C Singat (10)
2. C/C B.Vengnom(8)
3. C/C Tuibong

APEHDING JAT

- Rs 10 thousand only
 Rs. 10/- do
 Rs. 10/- do

LOCAL CHURCH HO:-

5. K.Songlung B/Ch (1)
6. Songphal B/Ch (2)
7. B.Boljang B/Ch (2)
8. Pangjang B/Ch (3)
9. Saijang B/Ch (3)
10. Saitu B/Ch (4)

- Rs. 10 do
 Rs. 20 do
 Rs. 20 do
 Rs. 5 do
 Rs. 5 do
 Rs. 10 do

11. Kholep B/Ch (4)		Rs. 5	do
12. Keithelmanbi Solam B/Ch (5)		Rs. 5	do
13. Songjang B/Ch (6)		Rs. 10	do
14. Tingkai B/Ch (7)		Rs. 10	do
15. S. Molcham B/Ch (8)		Rs. 10	do
16. S.Gangpijang B/Ch (9)		Rs. 10	do
17. Kulbung B/Ch (9)		Rs. 20	do
18. Twinom B/Ch (9)		Rs. 20	do
19. Haijang B/Ch (10)		Rs. 10	do
20. Twilelon B/Ch (12)		Rs. 20	do
21. New Samtal B/Ch (14)	Rs. 10	do	(Paid 10,000/-)
22. Gamphajol B/Ch (14)		Rs. 10	do
23. H.Mongjang B/Ch (15)		Rs. 10	do
24. Khodengthabi B/Ch (15)		Rs. 10	do
25. Molvailup B/Ch (17)		Rs. 20	do

NEW YEAR OFFERING THU A TEMNA LEH HETSAH

Pakai Christa thisen a themchang ngailut Houbung mite leh lamkai jouse Education Board min in Christmas Salam kahin-peuve. Christa golnop leh kumthah lemna lolhingtah leh Gasona a mangtheicheh din Pathen in phatthei naboh cheh uhen. Kumthah lemna Offering hi angaija Theological Student ho, adeh Final Year ho kithopina a ihinpeh jingpeh u ahin, eima Houbung mi hobou lhomcha cha a kipeji ahi. Pathen jal in Houbung mihon nahintodoh houva kon tunichan hin mi tampi'n phatchompina aneitaovin, amaho a kon aphatchompinao kipathu tampi akija'n ahi. KBC Houbung 280 val lah a tunichan a New Year Offering hinhah thei hi Houbung 150 vel bep ahin, adanghon jong hinhah cheh leuhen tihi deisah ahilheh jengin ahi. Koitobang Houbung in kumlhun lamleh hinhah jong aumjin, lungset tah a inagelthem diuva kahintemna nom uchu lhomhen tam jong leh akitoh doh jat2 chu March kah a Office hinlhut teiju hitin, akimanachahna nom phat hi lapsah cheh ute tia KBC Thusuo mangcha a Pakai min a temna kahineiju ahi. Pakai min a natodoh jat u leh nahinphaldoh nao chungah ajatja'n Pathen in phattheina napetaohen.

TAONA PEH NA NGAICHAT LE HETSAHNA.

Tukum 2017, Merry Christmas & Happy New Year 2018, Celebration iman nadiuva Convention sunga Pakai lhacha ho Houbung muntinna akimanchah na diu hetsah na ahung kineitoh kilhonna ama2 Speaker a apan naova Pathen lhagaovin nasatah'a amanchah theina ding'uva Houbung mite hon taonan ana kop'ute tia hiche December "Thuso" mangcha a taona leh tiemna kahin nei ahi. Anojia hin amin'u le akiman na diu mun akipen ahi.

- 1 Rev.Boipu Silas Haokip, Christmas Khoken B/C & New year Keithelmanbi B/C – NO-5.
- 2 Pastor Onkho Haokip, Centre Church New Lambulane, Imphal,
- 3 Pastor Seitinmang Vaiphei, Christmas T.Lanchah B/C & New Year Haijang B/C 10
- 4 Pastor Lamkhogin Haokip, Christmas & New year C/Church Singngat, Ccpur NO-10
- 5 Pastor Mangcha Tuboi, Christmas L.Phunchong B/C, & New year Sahei B/C – NO-15,
- 6 Rev.Tonglal Haokip, Christmas Aishi B/C & New year Twilelon B/C – NO-12,
- 7 Pastor Thangneo Haokip, Christmas & New year Centre Church NGV, Imphal,
- 8 Pastor Seiboi Tuboi, Christmas & New year C/church Chavangphai – Moreh,
- 9 Rev.Mangpithang Haokip, Christmas Mongpijang B/C, & New year Khengjoi B/C NO.13
- 10 Miss. Anem Haokip, Christmas Canan Veng Moreh & New year N.Songlung B/C NO-4,
- 11 Pastor Haoneo Haokip, Christmas & New Year Moulvailup B/C – NO-17,
- 12 Rev.Henjalan Doungel, Christmas Keithelmanbi B/C & New Year Saheibung B/C NO-7,
- 13 Rev.Thanglen Haokip, Christmas Molpheitampak B/C & New year C/C M.Thingjabong NO-8,
- 14 Rev.Thangkhogin Touthang Christmas & New year C/Church Hill Town, Ccpur – NO-9.
- 15 Pastor Thangtinlal Haokip, Christmas & New year Gampun B/Church, NO-3,
- 16 Pastor Jangkhothang Kipgen, Christmas & New year – C/Church T.Vaichong – NO-6.
- 17 Pastor Thangkhomang Haokip, Christmas & New Year Gampal B/Church – NO-17
- 18 Rev.Thangkhosei Haokip, Christmas & New Year G.Kholep B/church – NO-4,
- 19 Rev.Tunlal Haokip, Christmas & New Year C/Church B.Vengnom – NO-8,
- 20 Pastor Seiminlen Haokip, Christmas & New Year C/Church Lamphel, Imphal,
- 21 Rev.Lamkeng Lhouvum, Christmas –Thangbuh B/C, & New Year C/C – KPI –NO-5,
- 22 Rev.Jangkholen Haokip, Christmas & New Year C/Church Thingjaboung, Ccpur – NO-8,
- 23 Rev.Ngamjapao Haokip, Christmas – Saheibung B/Church – NO-7,
- 24 Pastor Thonkhongam Haokip Saivom B/Church KBC No. 16.
- 25 Pastor Ngamkhopao Haokip KBC C/C Leimakhong.
- 26 Gl. Paolunlal Kipgen New Samtal B/Church KBC No. 14.

HOU IN THAH SAHNA DING A IN NING SONG TUNNA



Achesa 26 November 2017 Pathenni chun Tuibong Centre Church Hou in thah sah doh na ding in KBC Convention lang a lamkai ho Rev. Ngamjapao Haokip General Secretary pu lamkaina in amun houbung sung a lamkai hon kimutona le In-ning song phuna kin ana neitaovin ahi.

Moreh Nute Golden Jubilee lolhing tah a kichaita.

Moreh Baptist Church Women Department Kum 50 Ihin na Golden Jubilee (1967 - 2017) chu achesa nisim 1st December, 2017 Friday nikho in Loupi tah in Lopna kin akineijin, NI. Chinneivah Haokip Vice Chairperson Jubilee Committee Lamkai hina in, Jubilee Ponlap khaidohna NI. Lamlhai Mate Nute lamkai masa in aneijin, Jubilee Song chu Rev. Ngamjapao Haokip, General Secretary, KBC in hon-



doh na aneijin, Lamkai masa ho jousea konin Dahpi chupna aumin, Jubilee Lapi Pu Peter Ngamsei in asem chu Nute Jubilee Choir mi 50 in longdel in asaovin ngainom aum lhev e. Jubilee Speaker :Ng, Lhingjanem Haokip, Women Secretary, KBC. Thupi :‘Marching in the light of God’ (Jn 1:7) ti thupi mangcha in Pathen injong amangcha a ase ikingai lhan ahi. Jubilee Souvenir hondohna Pastor Henkhomang Tuboi, Pastor KBC Gambih No, 15 in aneijin, Pathen lungset in Programme lolhing tah in akichai theijin Pathen kathang vah e.

Nl. Tn. Hoikholhing Haokip, Chairperson Jubilee Committee.

LITAN SAREIKHONG B/CH., KBC NO.2.

S/S DAY, 2017 LOLHINGTAH A KIMANG

Achesa November 12, 2017 Sunday nin Litan Sareikhong Houbunga Deacon holeh Sunday School jilkungho makaina noiija S/School Nikho loupi tah in ana kimange. Jingsah Hou-in kikhen jouvin S/S Chapang ho kitetna, Bible Lungchin, Labung, Solo, Choreographu le Skits chomchom akineijin, chuban’a Chapang ho chale nehthei nehkhompina jong akineijin ahi. Chuleh nilhah kaikhomna sunga sun’a kitetna kipaman ho hopdohna Pu N.S. Baite, Local Head Deacon in aneijin ahi. Houkhomna sunga Pilhing class le chapanghon Pathen vahchoila Labung ngeitah ala un Pu Lunkhojang Baite, S/S Suptd. in Pathen thua tilkhouna (thupi) alan phat teho hoisel in chai anahi.

Tukum Sunday School lolhingtah a imansah’u Hingjing Pathen chu thangvah in umjing taken.

Lunkhojang Baite,
Superintendent, S/School.

GITANLOU BIBLE SIMNA

KBC Centre Church Sangaikot, Men Department.



Achesa nisim 30th – 31st October sunga Men Department, KBC Centre Church Sangaikot, Gambih No.11 in kumtohgonna kinei Guitanlou Bible Simna anakineijin, damsella chaithei ahitoh kilhonna Pathen thangvahna ipeuvin ahi. Hiche tohgon hi Pastor Tingoulen Haokip, Centre Church Pastor in Pathen henga hondohna le khumkhana ananeijin; Pate jousen thanomtah le gunchu taha pan laikhomna aneiju jallin tohgon lolhingtah in anakichaitai. Pathen in Pate jouse phatthei bohcheh taken, Amen.

SUNDAY SCHOOL DAY

KBC Centre Church Sangaikot.

Achesanisim 10 November 2017 Friday nilhah apat in Centre Church Sangaikot, Sunday School Department in Pathen thua kipui hoi tithupi noiija Sunday School Day cum Tongso Ngei lolhingtah in anakimangin, Speaker in Pastor Tingoulen, Centre Church Pastor in anapangin chuleh, Sunday School Tongso Ngei jong Sunday School chapangho dingin anakibolpeh in ahi. Nisim 11 November 2017 nikhohin, kitetna hichu, 1. Painting Competition. 2. Essay Writing Competition chule adanghojong anakibolle. Chuleh, Tongso Ngai-kilhenna alohinna hinneiho chu: 1. Miss Neihoimoi, Tongso Ngei 2017 2. Miss Lhinghoikim, 1st Runners Up 3. Miss Nemneithem, 2nd Runners Up chuleh, Sunday School Department akonnin skits chuleh Couple parade vetnom umtahtah anakibol in ahi. Nisim 12 November 2017 10:30PM vel in Centre Church Pastor in khumkhana aneitoh lhonna programme chai ahitai. Lolhinna eipeuva Pathen thangvah in um taken.

Pathen in asim jouse phatthei naboh tauhen. Kangailut'u Houbung mite jouse Christmas Chibai.


Sunday School Department
Centre Church Sangaikot.




*Moreh Baptist Church Women Department Kum 50 Ilin na
Golden Jubilee (1967 - 2017)
 chu nisim 1st December, 2017. Enday nikho in Loupi tah in ana kimangchaitai.*



Post Regd. MNP/81
Regd No. 18134/88



*KBC Events dunggulja Sunday School Day nikho munth a ana kimang in
Chungu hin Uthun Sorekhseng B/C leh Gambuh 11 Sanyalkot a kimun roa lin ahi*



Sanyalkot Sanyalkot Sanyalkot
Sanyalkot Sanyalkot Sanyalkot



Merry
Christmas

If undelivered, please return to
The Editor, KBC Thuso
KUNJ BAPTIST CONVENTION
Opp. DM College, Imphal - 795 001
Contact: 9862633173